

Ս. Խ. ՄՆԱՏԱԿԱՆԿՅԱՆ

ԶՎԱՐԹՆՈՑԻ ՎԵՐԱԿԱԶՄՈՒԹՅԱՆ ՆԱԽԱԳԾԻ ՀԱՐՑԻ ՇՈՒՐՋԸ


Զվարթնոցը հայ ժողովրդի պատմության մեջ եղավ այն հուշարձանը, որտեղ ի մի հավաքվեց նրանից դարեր առաջ մշակված ճարտարապետական կուլտուրան ու շինարարական արվեստը, և որտեղ հայ հանճարեղ ճարտարապետները կարողացան դրսևորել իրենց մտահղացումների ամբողջ վեհությունը: Ինչպես հայտնի է, Զվարթնոցի պեղումներն սկսվեցին 1900 թ. գարնանը և շարունակվեցին մինչև 1904 թ. օգոստոս ամիսը: Զվարթնոցի գիտական ուսումնասիրության պատմությունը անխզելիորեն կապված է Ռորտս Ռորամանյանի անվան հետ: Հայաստան գալով 1903 թ., նա 1904 թ. մարտ ամսից սկսած մասնակից է լինում պեղումներին և մնում Զվարթնոցում մինչև նույն թվականի օգոստոս ամիսը, երբ պեղումները մեկ ամբողջ տարով ընդհատվում են, իսկ Պաղյանի աքսորի պատճառով: Այդ շորս ամիսների ընթացքում նա կազմում է տաճարի հատակագիծը և նույն թվականի ամռանը մեկնում Անի, մասնակցելու Ն. Մառի ղլխավորած պեղումներին: 1905 թ. ավարտելով տաճարի վերակազմության նախագիծը, նա հրատարակում է իր անդրանիկ աշխատությունը, նվիրված Զվարթնոցին («Մուրճ», 1905, № 5):

Պեղումները շարունակվում են նաև հաջորդ տարում, հայտնաբերվում են նաև նորանոր քարեր, որոնք, պարզ է, չէին կարող հաշվի առնված լինել Ռորամանյանի վերակազմության առաջին նախագծում: Այդ մասին հիշատակում է իսախիկ Պաղյանը՝ գրելով, թե Ռորամանյանի վերակազմության նախագծի մեջ պետք է հիմնովին վերափոխվեն շքամուտքերը, համապատասխան նորահայտ քարերի:

Վերակազմության նախագծի շուրջը ծագած մեծ վեճերը հիմնականում ավարտվեցին 1906 թ., երբ Անիում հայտնաբերվեց Գաղիկաշենի՝ Զվարթնոցի տիպի մի տաճարի մոդելը, որի ընդհանուր ձևերը համընկան Ռորամանյանի մինչ այդ կատարած վերակազմության նախագծի ձևերին, թեև դրանից հետո էլ որոշ ուսումնասիրողներ (օրինակ, ճարտ. Բ. Տեր-Սարգսյանը) բնավ համաձայն չէին վերակազմության նախագծի մի քանի խիստ կարևոր էլեմենտներին՝ և հատկապես գալերեայի ու երկրորդ յարուսի պատկերման հետ: Ըստ ժամանակի հաջորդ աշխատանքը՝ դա մոդելի պատրաստումն էր, որի լուսանկարը հրատարակվել է 1911 թ., 1918 թ. հրատարակվում է Հ. Ստրժիգովսկու աշխատությունը, որտեղ ներկայացված են Ռորամանյանի կողմից կատարված մի շարք գծագրեր, ընդ որում այստեղ կան և 1905 թ. վերակազմության նախագծի կտրվածքը (որի գմբեթը կտրել էր Պաղյանը) և «ձգված» համաշափույթյուններ ունեցող տարրերակի ճակատը:

¹ Խ. Պաղյան, 1907 թ. հնագիտական պեղումներ, «Արարատ», 1909, էջ 170:

Թվում է, թե լուրոր հիմքերը կան ենթադրելու, որ «ձգված» համաչափություններ ունեցող տարբերակը կատարվել է ավելի ուշ և նա է Թորամանյանի վերջին խոսքը: Սակայն այստեղ կա մի խիստ էական հանգամանք: Այն ժամանակ, երբ առնվազն 1911 թ. կատարված մոդելում շքամուտքերը ուղղված




Նկ. 1. Ձվարթնոցի հատակագիծը ըստ Թ. Թորամանյանի:

են, «ձգված» համաչափություններ ունեցող տարբերակում դեռևս չկան շքամուտքի նորահայտ քարերը, մի բան, որը որոշակի կերպով խոսում է նրանց կատարման հերթականության մասին:

Թորամանյանի համար տաճարի հատակագիծ կազմելը կապված չէր էական բարդությունների հետ, որովհետև տեղում պահպանվել էին լուրոր անհրաժեշտ էլեմենտները: Ջգալի դժվարություն էր ներկայացնում առաջին հարկի, և հատկապես օղակաձև գալերեայի հարցը, որի կոնստրուկցիայի հայտնագործումը պետք է համարել նրա վերակազմության նախագծի առավել հաջողված մասը: Ըստ Թորամանյանի, առաջին հարկի օղակաձև գալերեայի վրա կար համանման դասավորություն ունեցող մի հարկ ևս, որը լուսավորվում էր

հուշարձանի պարագծով դասավորված կլոր լուսամուտների միջոցով, կառուցվածքի երկրորդ յարուսը կազմում էր տետրակոնխը, որը ըստ Թորամանյանի շրջապատված էր օղակաձև զալերեայի պատի շարունակությամբ կազմող մի շրջանաձև պատով: Երրորդ յարուսը կազմում էր 16 նիստ ունեցող թմբուկը, որը ինչպես և առաջին երկու յարուսները, ձևավորված էր խուր, կամարաշարքով (նկ. 2):




Նկ. 2. Զվարթնոցի մոդելը և ճակատը ըստ Թ. Թորամանյանի:

Նախքան հուշարձանի ծավալային կոմպոզիցիային անցնելը անդրադառնանք նրա հատակագծին:

Թորամանյանը հրատարակել է մի քանի հատակագիծ, և ուշագրավ է, որ խնջքան գալիս ենք դեպի ետ, այնքան նրանք ճշտվում են, այնքան վերանում թերությունները, թեև նույնիսկ ամենավերջին, Ստրժիգովսկու աշխատության մեջ հրատարակված գծագրում առկա են որոշակի սխալներ: Այսպես, օրինակ, եռաստիճան տրամախարիսիսը շատ լայն է պատկերված, և դուրս է գալիս նույնիսկ անկյունապծային դասավորություն ունեցող շքամուտքերից, միանգամայն ավելորդ է արտաքին պատի ներսի կողմից դասավորված որմնասյուները միացնող օղակաձև գիծը և այլն: Սակայն առավել էական թերությունը՝ դա արևելյան ուղղանկյուն կառուցվածքը տաճարի շրջանաձև պատի հետ միաձուլվելու պատկերելն է, մի բան, որը արմատապես ժխտվում է նշված կառուցվածքի և տաճարի շրջանաձև պատի միջև կոնստրուկտիվ կապերի փսպառ բացակայությամբ (նկ. 4):

Դժվար չէ տեսնում այժմ էլ տեսնել, որ այն ուղղակի հպված է տաճարի շրջանաձև պատին, և քարերի շարքերը բնավ չեն համապատասխանում միմյանց: Այս բանը կարելի է զգալ նաև տղղանկյուն հավելվածքի մեջ օղակաձև պատի հիմքի առկայությունից, որովհետև, եթե նրանք կառուցված լինեին միաժամանակ, ապա ոչ մի անհրաժեշտություն չէր ներկայացնի պատի այս մասը ևս անել շրջանաձև: Պարզ է դառնում, որ այն ավելացված է հետագա-

յում և չէր մտնում տաճարի սկզբնական կոմպոզիցիայի մեջ, Ձի կարելի չնշել նաև մի այլ հանգամանք, Թորամանյանի կողմից հրատարակված բոլոր հատակագծերում արևելյան արտիդր միանգամայն իրավացի կերպով պատ-



Նկ. 3. Ձվարթնոցի կտրվածքը
ըստ Թ. Թորամանյանի:

կերված է խուլ (նկ. 1, 3), առանց կամարաշարքի (ինչպես այդ բանում կարելի է համոզվել այժմ էլ, դիտելով մուլթերի և արևելյան արտիդի հատման հանգույցները): Սակայն, մեղ անհայտ պատճառներով, նրա տշխատությունների առաջին հատորում պատկերված է մի հատակագիծ, որտեղ արդեն արևելյան արտիդում ևս առկա է սյունաշարքը, ընդ որում դժվար չէ տեսնել, որ այդ հատակագիծը ոչ թե նոր է կազմված, այլ նույն, Ստեր-

ժիգովսկու աշխատության մեջ հրատարակված հատակագիծն է, որի վրա հետագայում, ավելացվել է արևելյան սյունաշարքը:

Թորամանյանի կողմից կատարված կտրվածքներից հայտնի է միայն մեկը դա այն կտրվածքն է, որի գմբեթը կտրել էր Խաչիկ Դադյանը: Կանգ չառնելով մանր անձնությունների վրա, անդրադարձնա՞նք առաջին լարուսի բարձրությունը: Իսկ նա է, որ առաջին հարկարաժնի շրջանաձև սրահը ծածկող թաղի կրունկը պետք է դասավորված լինի ոչ ցածր, քան կրկնակի կորություն ունեցող կամարների վերին հարթությունը (ճիշտ ախպես, ինչպես այդ տրված է Թորամանյանի կողմից Գագիկաշենի կտրվածքում): Մինչդեռ այստեղ գալերիայի թաղի կրունկը ուղղակի նստում է... էքսեդրայի կամարաշարքի վրա, մի բան, որը ակնհայտ սխալ է և բնավ անհնար (նկ. 3): Ինչպես ցույց է տալիս չափադրությունը, այդ մեծածորիչ կամարների սլաքը հավասար է երեք մետրի (համարյա թե նույն չափն է ցույց տալիս Թորամանյանը նաև Գագիկա-



Նկ. 4. Ձվարթնոցի արևելյան հավելվածի և տաճարի հիմնապատերի կցման հանդույցը (հարավ-արևմտյան անկյունը, ներսից):


շենում): Այստեղից դժվար չէ կոահել, որ օղակաձև սրահի ծածկի թևեր կրունկը իր հերթին պետք է բարձրացվի առնվազն երեք մետրով, ու պեսզի դժագիրը ճիշտ կերպով արտահայտի հենց իր, Ռորամանյանի միանգամայն իրավացի դրույթը այդ կամարների տեղի և նշանակության մասին: Սակայն այսպիսի բարձրացումը (որը միանգամայն անխուսափելի է կոնստրուկտիվ էլեմենտների ճիշտ պատկերման տեսակետից) լիովին վերացնում է «սեղմված» և «ձգված» համաչափություններ ունեցող տարբերակների միջև եղած տարբերությունը, և պարզ է դառնում, որ Ռորամանյանի կատարած կոնվադքում տեղ գտած այս ակնհայտ սխալի հետևանքով նշված դժագիրը չի կարող ծառայել վերակազմության նախագծի հիմնական էլեմենտները բացահայտող փաստաթուղթ:

Վերը նշեցինք, որ ըստ Ռորամանյանի օղակաձև սրահի վրա եղել է մի հարկ ևս, որտեղ կարող էին տեղավորվել առնվազն մի քանի հարյուր մարդ: Միանգամայն տրամաբանական է, որ այդ վերնահարկը պետք է լայն բացվածքներով կապվեր տաճարի ինտերյերի հետ, ճիշտ այնպես, ինչպես այդ տեսնում ենք ժամանակակից բյուզանդական տաճարներում, որովհետև հակառակ դեպքում վերնահարկի կառուցումը ոչ մի կերպ չէր կարող արդարացնել իրեն: Այսպիսի կապի ստեղծման տեսակետից միանգամայն տրամաբանական է թվում Ռորամանյանի կողմից ենթադրվող սյունաշարքի գոյությունը, որը և առկա է նրա կազմած կոնվադքում: Մյուս կողմից՝ առաջին և երկրորդ հարկերի սյուների համանման դասավորությունը կասկած չի թողնում, որ վերնահարկի ծածկը ևս, ինչպես և առաջին հարկի օղակաձև սրահի ծածկը պետք է որ հենվեր կրկնակի կորություն ունեցող, լայնաթուխք կամարների վրա²: Սակայն այն հանգամանքը, որ այստեղ ևս թույլ է տված նույն սխալը, ինչ որ առաջին հարկում, ստիպում է այս թաղը ևս բարձրացնել առնվազն երեք մետրով, որպեսզի կոնստրուկտիվ էլեմենտներն ստանան իրենց նորմալ լուծումը: Դժվար չէ տեսնել ուրեմն, որ այդպիսի մշակման ժամանակ առաջին յարուսը պետք է բարձրանա առնվազն 6 մետրով, իսկ կրկնակի կորության լայնաթուխք կամարաշարքերը դրվեն մեկը մյուսի վրա երկու անգամ, մի բան, որը միանգամայն անհնարին է և անտրամաբանական:

Թվում է, թե կոնստրուկտիվ տեսակետից հարցի լուծմանը ավելի մոտ է Ռորամանյանի մյուս տարբերակը, որտեղ ենթադրվում է մույթերի հետևի մասերում մեծ պահարանների գոյությունը: Այս «պահարանների» սխեմատիկ դժագրերից, իհարկե, դժվար է կոահել կոնստրուկտիվ առանձին մանրամասների ձևերը: Սակայն մի բան պարզ է, որ այս տարբերակը ոչ մի ընդհանուր բան չունի վերնահարկի սյունաշար տարբերակի հետ և վերնահարկն այստեղ տաճարի հետ է կապվում մի լայն (առնվազն 4—5 մետր լայնություն ունեցող) բացվածքի միջոցով (նկ. 6): Սակայն մեծաթուխք և կրկնակի կորություն ունեցող կամարի առկայությունը այսպիսի մի խիստ ծանրաբեռնված հանգույցում չէր կարող շատ տարօրինակ տպավորություն չթողնել և միանգամայն

² Չնկատելով այս դժագրում թույլ տված սխալը, բնկ. Կ. Աաֆագարյանը առանց որևէ ծանոթագրության հրատարակել է այն իր կողմից կազմած Ռորամանյանի աշխատությունների առաջին հատորում, և դա զարժեք է չիմական կոպան հերքելու մեր դրույթները («Տեղեկագիր», 1958, № 7), որոնք մենք խիստ համառոտակի շարադրել էինք «Զվարթնոցի մասնակի վերականգնման հնարավորության մասին» հոդվածում («Սոցիալական արվեստ», 1957, № 1):

հասկանալի է, որ Թորամանյանը Գաղիկաշենի վերակազմության նախագծում շատ անգամ փոքրացրեց այդ բացվածքը և փոխադրեց այն մի սովորական լուսամուտով: Միայն այսպիսի լուծման ժամանակ է, որ վերնահարկը ստացվում է համեմատաբար ցածր և հնարավոր լինում նրա բարձրությունը սահմանափակել կտրվածքում ցույց տրված չափով: Որ Զվարթնոցում ևս Թորամանյանը կիրառել է հենց այս տարբերակը, վկայում է տաճարի «ձգված» համաչափությունների ունեցող ճակատը: Դժբախտաբար մեզ չի հասել վերջինիս համապատասխանող կտրվածքը, սակայն այն դժվար չէ կազմել, որովհետեւ անկա է և՛ հատակագիծը, և՛ ճակատը:



Նկ. Ե. Զվարթնոցի պայմանական կտրվածքը, կատարված Թ. Թորամանյանի վերակազմության նախագծի հիման վրա: Բարձրությունը ուղղված է համաձայն նրա կողմից կատարված ճակատի համաչափությունների: Պունկտիրով ցույց է տրված (Ա - Ա) № 3 կտրվածքում պատկերված թաղը:


Պարզվում է, որ, եթե ուղղել առաջին չարուսի օղակաձև սրահի թաղակապ ծածկի բարձրությունը մեջ թույլ տված սխալը և վերնահարկի բարձրությունը թողնել անփոփոխ (որը, ինչպես նշվեց, հնարավոր է միայն առանցքային ուղղությամբ մեկ լուսամուտ դասավորելու դեպքում) տաճարի բարձրությունը կստացվի ճիշտ այնքան, ինչքան, որ այն պատկերված է՝ ձգված համաչափությունների ունեցող ճակատում (հ. Զ. Զ. Զ.):

Այս ամենից հետո դժվար չէ կոահել, որ Թորամանյանը ոչ

թե ունեցել է երկու, «սեղմված» և «ձգված» տարբերակներ, այլ ուղղակի ուղղել է իր առաջին դժադիրը, տաճարին տալով ավելի սլացիկ տեսք: Եվ Դիանդամայն մտադածին է այն կարծիքը, ըստ որի Թորամանյանի մոտ Զվարթնոցն ուներ սկզբում ավելի սեղմ համաչափություններ և միայն Գաղիկաշենի պնդումներից հետո, ելնելով վերջինիս համաչափություններից, իբր թե բարձրացվել է տաճարի առաջին չարուսը:

Ահա այս կապակցությամբ անհրաժեշտ է նորից անդրադառնալ մոդելին: Բանն այն է, որ հատկապես այստեղ է, մոդելում, որ տեղ են դրել 1906—1907 թթ. ընթացքում հայտնաբերված շքամուտքի այն քարերը, որոնց մասին հիշատակում է խաչիկ Դադյանը: Այս հանդամանքը առաջնակարգ նշանակություն է ստանում այն պատճառով, որ այդ քարերի բացակայությունը «ձգված» համաչափությունների ունեցող դժադրում անժխտելի կերպով ցույց է տալիս մոդելի և տվյալ դժադրի կատարման հերթականությունը: Իսկ այդ արդեն

նշանակում է, որ, եթե Թորամանյանը նորից է անդրադառնում սեղմված համաչափություններ տեսնող տարբերակին, նա նորից չէր կարող կրկնել այդ նույն սխալը և պետք է, որ ներքին կոնստրուկցիաների մեջ մտցներ այնպիսի փոփոխություններ, որոնք իրոք ապահովեին այդ «սեղմված» համաչափու-



Նկ. 6. Վերնահարկերի տարբերակները ըստ Թորամանյանի կտրվածքի (ձախակողմյանը) և «Մուրճ» ամսագրում հրատարակված հատակագծի:


թյունների ստացումը: Սակայն այդ հնարավոր էր անել միայն վերնահարկի վերացման միջոցով, որը և ամենայն հավանականությամբ արել է Թորամանյանը:

Եվ իսկապես՝ ի՞նչ էր իրենից ներկայացնում վերնահարկը: Այդ մի լայն օղակաձև սրահ է մոտ 400 լմ մակերեսով, որը տաճարի հատակից մոտ 12 մետր բարձրության վրա շրջանցում է կենտրոնական տետրակոնիսը, և որտեղ կարող են հավաքվել առնվազն մի քանի հարյուր մարդ լսելու և տեսնելու տաճարում կատարվող ժամասացությունը: Այսպիսի վերնահարկեր լավ հայտնի են բյուզանդական ճարտարապետության մեջ, ընդ որում նրանց լայն ու ընդարձակ կամարաշարքերը ամենասերտ կապն են ստեղծում վերնահարկի և տաճարի կենտրոնական մասի միջև, իսկ մասսիվ աստիճանադասերը ապահովում հարյուրավոր մարդկանց անց ու դարձը:

Մյուս կողմից Թորամանյանի պատկերած վերնահարկը հենց ճարտարապետական տեսակետից ունի խիստ վիճելի կողմեր: Ինչպես տեսանք, սյունազարդ վերնահարկի գոյությունը լիովին բացառվում է, և շինարարական կոնստրուկցիաների տեսակետից քիչ թե շատ տրամաբանական ձևը՝ դա ներսի շրջագծային պատի առկայությունն է նրա մեջ արված երեք լուսամուտներով (ինչպես այդ պատկերել է նա Գաբրիկաշենի վերականգնության նախագծում): Մտացվում է շատ ուշադրով պատկեր: Տաճարի ամբողջ պարագծով ձգվող վերնահարկը, որտեղ կարող էին տեղավորվել մի քանի հարյուր մարդ և որը լուսավորված էր բազմաթիվ կլոր լուսամուտներով, փաստորեն կտրված էր տաճարի ինտերյերից և վերջինիս հետ հաղորդակցում էր միայն երեք լուսամուտների միջոցով, որոնց միջից ժամասացությունը կարող էին լսել և տեսնել ընդամենը մի քանի տասնյակ մարդ՝ (նկ. 7):

⁴ Ինչնիս հասկանալի է, որ արևելյան կողմից աբսիդի վրա այսպիսի բացվածք չէր կարող գոյություն ունենալ: Այդ նպատակին չէին կարող ծառայել նաև պահպանների լուսամուտները:

Վերնահարկին այստեղ ներկայանում է որպես մի կեղծ կառուցվածք, որն արված է կարծես թե ձակալտի կլոր լուսամուտները տեղավորելու համար և պատահական չէ, որ Ն. Մանր. խոսելով նրա մասին, անվանում է այն ոչ այլ կերպ, քան գաղտնի անցք [скрытый ход]⁵։



Նկ. 7. Զվարթնոցի վերնահարկը, պատկերված Գաղիկաշենի վերնահարկի ձևով։

վերվածքը ուղղակի հսկված է տաճարի շրջագծային կոմպոզիցիային, և նրանց պատերի մեջ չկա և ոչ մի կոնստրուկտիվ կապ։ Այստեղից դժվար չէ եզրակացնել, որ այն չի հանդիսանում տաճարի սկզբնական կոմպոզիցիայի օրգանական մասը և ավելացված է հետագայում։ Ենթադրել, որ մի քանի հարյուր մարդ վերնահարկ և բարձրացել (որը տեղավորված է տաճարի հատակից 12 մետր բարձրության վրա) փայտյա շարժական աստիճաններով, կլինեի խիստ անտրամադրական, և պատահական չէ, որ խեղճ Թորամանյանը ևս վճռականորեն բացառում է այդ վերնահարկի գո-

թյան նախագծում ցույց տրված վերնահարկի լուսամուտների տարօրինակ դասավորությունը, որոնք, բոլոր Թորամանյանի, տեղավորված են հատակից ընդամենը 30 սմ բարձրության վրա, մինչդեռ վերնահարկի ամբողջ բարձրությունը կազմում է 6 մետր։ Վերակազմության նախագծի ուսումնասիրությունից պարզ է դառնում, որ լուսամուտների ալյապիսի տեղաբաշխումը թելադրվել է արտաքին ճակատի համաչափության հետևանքով, և կամարաշարքերից վերև ստացվող տարածության կենտրոնում նրանց դասավորելու ձրգտումն է, որ հասցրել է բացվածքների ֆունկցիոնալ նպատակասլացության ալյապիսի խիստ անուսումանը։ Անդրադառնալով վերնահարկի աստիճաններին, անհրաժեշտ է նշել, որ չի պահպանվել նրանց և ոչ մի հետք։ Ավելին՝ տաճարի ներսում չկա և ոչ մի տեղ, որտեղ հնարավոր լինեի նրանց տեղավորել։ Վերը նշվեց արդեն, որ արևելյան կողմի հա-

⁵ H. R. M a p p. Ann. M.— T. 1934, ctp. 58.

⁶ Թ. Թորամանյան. Նյութեր..., հատ. I-ին, էջ 249։ Ինչ վերաբերում է Թորամանյանի հիշատակությանը, որ վերնահարկում եղել են պահապաններ և սկզբում ներքի մասնակալն ուղեղ հայտնաբերվել ևն եկեղեցական հայտնաբերվել, ապա պետք է ասել, որ այդ անգոր աշտը էլ ստացվել կարելի է տեսնել տաճարի հարավարևելյան մասում բնակած զանգվածի մեջ և իրենից ներկայացնում է մույթի, արտիգների և թաղի հիմքը կազմող պատերի հատման հանդույցը։

յությունը խիստ թեական էին համարում ճարտարապետ Ք. Տեր-Սարգսյանը և Հ. Ստրժիգովսկին, և Ա. Կուլենցովը:

Հանրագումարի բերելով վերը նշված դրույթները, կարող ենք եզրակացնել, որ վերնահարկի գոյությունը Զվարթնոցում չի ապացուցվում և ոչ մի իրական համոզիչ փաստով, և ճիշտ այնպես, ինչպես հայկական ճարտարապետության լուրջ հուշարձանները, կառուցված և Զվարթնոցից առաջ, և Զվարթնոցից հետո, նա էլ չի ունեցել վերնահարկ: Ինչ վերաբերում է կլոր լուսամուտներին (որոնք, ինչպես պարզվում է այժմ, ծածկված են եղել քարե սալ շրջանակներով և լույսը թափանցել է վերջիններիս մեջ արված անցքերով միայն), ապա մեր կարծիքով, նրանք լուսավորել են շրջանաձև սրահի վերին մասերը և թաղակապ ծածկը, որը գտնվելով տաճարի հատակից մոտ 10—11 մետր բարձրության վրա, պարզ է, որ չէր կարող լուսավորվել տաճարը շրջանցող և շատ ավելի ցածր մակարդակի վրա գտնվող լուսամուտների միջոցով: Ոչ պակաս նշանակություն է ունեցել նաև արտաքին ձակատի առաջին յարուսի ձևավորման հարցը, որովհետև ցածր լուսամուտները շրջանցող կամարաշարքից մինչև քիվը ընկած տարածությունը չէր կարելի թողնել առանց որևէ մշակման՝ այդ բանը կխախտեր տաճարի ձակատների ձևավորման ամբողջ կոմպոզիցիան:

Դառնա՞նք այժմ տաճարի երկրորդ յարուսին:

Ինչպես հայտնի է, ըստ Թորամանյանի վերակազմության նախագծի, Զվարթնոցի երկրորդ յարուսը ունեցել է խիստ բարդ կառուցվածք (նկ. 8): Այստեղ ներսի քառակոնիս կոմպոզիցիան զրսից շրջապատված էր մի շրջագծային, դեկորատիվ պատով, որի վրա էլ բացվում էին նրա ամբողջ պարագծով տեղաբաշխված 32 լուսամուտները: Դժբախտաբար Թորամանյանը չի հրատարակել նշված յարուսի հատակագիծը, սակայն վերջինիս կազմելը առանձին դժվարություն չի ներկայացնում, որովհետև կա և կտրվածքը և ձակատը:


Պարզվում է, որ ձակատում նշված 32 լուսամուտներից միայն 12-ը կարող էին լուսավորել տաճարը⁷, իսկ մնացած 20-ը կեղծ են և բացվում են կենտրոնական քառարսիդ տարածության և այն շրջանցող շրջագծային դեկորատիվ պատի միջև ստացվող դատարկ, անօգտագործելի տարածություններում (նկ. 9):

Ավելին, Թորամանյանի մոտ լուսամուտներ են նշանակված նաև անկյունագծային ուղղություններով, այսինքն մույթների դիմաց, որից պետք է ենթադրել, որ այդ մասում մույթներն ունեցել են շատ ավելի փոքր չափեր, և միաձուլված չեն եղել արտաքին շրջագծային պատի հետ: Այսպիսով, դժվար չէ տեսնել, որ տաճարի երկրորդ յարուսի այս շրջագծային պատը ստացվել է միանգամայն արհեստականորեն, և բացի այն, որ չունի և ոչ մի կոնստրուկտիվ դեր. անչափ ավելացնում է մեծաթիվը, կրկնակի կորություն ունեցող կամարների, և հատկապես առանձին կանգնած սյուների բեռնավորվածությունը:

Ոչինչ չլուսավորող բազմաթիվ լուսամուտներ, գմբեթակիր մույթների արհեստական փոքրացում մինչև այն աստիճան, որ հարցականի տակ է գրվում գմբեթի կաշուներությունը, առանձին կանգնած արծախոյակ սյուների մեծ գերլարվածություն (նկ. 10), որտեղ մոտ 20 մետր բարձրություն և 10 մետր լայ-

⁷ Նշենք, որ Թորամանյանի կատարած կտրվածքում այդ լուսամուտները չկան նաև արևելյան արսիցում և այսպիսով 32 լուսամուտից տաճարը լուսավորում են միայն... 9-ը (նյութեր... հատ. 1, էջ 240):

նություն ունեցող պատի ամբողջ ծանրությունն ընկնում է միայն մեկ, 0,8 մետր տրամագիծ ունեցող սյան վրա,—այս բոլոր, 7-րդ դարի բարձրարվեստ ճարտարապետության համար միանգամայն խորթ լուծումները խիստ մեծ անջրպետ են ստեղծում Թորամանյանի վերակազմության նախագծի և հայկական ճարտարապետության այդ կլասիկ դարաշրջանի հիմնական սկզբունքների միջև, որոնց առավել հատկանշական կողմը դա կառուցվածքի ընդհանուր տեկտոնիկական մշակումն է և ավելորդ, կեղծ, դեկորատիվ ծավալների ու էլեմենտների իսպառ



Նկ. 8. Զվարթնոցի երկրորդ յարուսի հատկագիծը կազմված ըստ Թորամանյանի կտրվածքի և ճակատի գծագրերի:


բացակայությունը:

5—7-րդ դարերի լավագույն կառուցվածքներում հուշարձանների ներքին կոմպոզիցիաներն իրենց որոշակի դրսևորումն են գտնում արտաքին ծավալներում, ընդ որում բոլոր կոնստրուկտիվ հարցերը լուծվում են ընդհանուր ծավալային կոմպոզիցիայի հետ անխզելի միասնականության պայմաններում, մի բան, որ լիովին բացակայում է Թորամանյանի վերակազմության նախագծի երկրորդ յարուսում:

Թորամանյանի վերակազմության նախագծի երկրորդ յարուսի տեկտոնիկական այս հակասությունը նշում է նաև Ա. Վ. Կուզնեցովը, որն առաջարկում է նույնիսկ տաճարի արտաքին կոմպոզիցիայի իր էսքիզը՝ Սակայն պետք է նշել, որ նա բնավ հաշվի չի առել Զվարթնոցի իրական համաշափությունները, և էսքիզում պատկերված ցածր (մոտ 5—6 մետր բարձրություն ունեցող) պեղեստալային առաջին յարուսը բնավ չի կարող զոյություն ունենալ թեկուզ հենց այն պատճառով, որ տեղում պահպանված սյուները և կամարները անժխտելի կերպով ապացուցում են այդ յարուսի մի քանի անգամ ավելի բարձր լինելը: Բացի այդ, անհամոզեցուցիչ է պատկերված նաև երկրորդ յարուսը (չնայած իր, միանգամայն իրավացի ընդհանուր տևորակոնյային կոմպոզիցիային): Այստեղ, ինչքան էլ դա տարօրինակ թվա, բացակայում են... մույթերը, և գմբեթակիր քառակուսին ուղղակի իջնում է ներքև, մինչև առաջին յարուսի տանիքը: Դժվար չէ տեսնել, որ տետրակոնյային այդպիսի կոմպոզիցիան հնարավոր է միայն սնհամեմատ ավելի փոքր հուշարձաններում, մինչդեռ այստեղ, Զվարթնոցում, գմբեթակիր կամարների զգալի մեծության հասնող հորիզոնական ձիգերի առկայության պայմաններում, այսպիսի լուծումն իսպառ բացառված է և անհնար, խոսելով Զվարթնոցի կոմպոզիցիոն առանձնահատկությունների մասին, Կուզնեցովը գրում է հետևյալը. «Դժվարություններն, որոնք առկա են ավելի ճշմարտացի և այս մեծ հուշարձանին արժանի վերակազմության նախագիծ կազմելու գործում, պայմանավորված են հենց Զվարթնոցի կոնստրուկտիվ տեսակետից յուրամարանական հատկագծով: Սա-

• А. В. Кузнецов, Тектоника и конструкция центричных зданий, Москва, 1951, стр. 112.

կայն այս բանը չի բացառում վերակազմության մի այլ նախագծի հնարավորությունը», և հետո «տվյալ հատակագծային կոմպոզիցիան ունեցող տաճարի կառուցման անհնարինությունը մեկ անգամ ևս ապացուցվեց XI դարում Անիում Գագիկ թագավորի կողմից Զվարթնոցի տիպի մի այլ տաճարի կառույց-




Նկ. 9. Զվարթնոցի կոնստրուկտիվ սխեման, կատարված
ոստ Թորամանյանի նյութերի:

ման ժամանակ, որն անսպասելիորեն կործանվեց, չնայած օժանդակ ամրացումների առկայությանը⁹:

Ա. Վ. Կուզնեցովի այս գրույթների հետ, փհարկե, չի կարելի համաձայնել: Ճիշտ կերպով նշելով Թորամանյանի նախագծի թերությունները, Կուզնեցովը հանգում է շատ հեռու գնացող հետևությունների, Զվարթնոցի հատակագիծը իբր ոչ տրամաբանական լինելու մասին, և չարիքների արմատը փորձում գտնել հենց ... տաճարի հատակագծում, մոռանալով, որ Զվարթնոցը կանգուն էր շուրջ 300 տարի — մի բան, որն արդեն հիմնավորապես ժխտում է նրա հատակագիծը ոչ տրամաբանական հայտարարելու փորձերը:

⁹ А. В. Кузнецов, указ. соч., стр. 114.

Մեր ուսումնասիրությունները ցույց են տալիս, որ Դագիկաշենի կործանման պատճառը ոչ թե նրա կառուցման տեխնիկային վերագրվող թերություններն են, այլ այդ նույն Ձվարթնոցի տիպի հատակագծի վրա բարձրացված երկրորդ յարուսի ռոտոնդային կոմպոզիցիայի հետևանքով վերասլաց համա-



Նկ. 10. Առանձին կանգնած սյան բեռնափորումը բառ թորամանյանի վերակազմության նախագծի:

Այնպիսի մասում համեմատության համար ցույց է տրված ժամանակակից բնակելի շենքի նույն չափերը ունեցող մի հատված:

չափությունների ունեցող սյուների գերլարվածությունը, և հենց այդ էլ, ի վերջո, կանգնեցրեց այդ հանդուգն կոմպոզիցիան, որն արդեն դուրս էր եկել իր ժամանակի շինարարական տեխնիկայի սահմաններից, կործանման առաջ: Ի հակադրություն Դագիկաշենի, Ձվարթնոցի վերը նշված «երկարակեցությունը» բնավ չի կարող պատահական լինել և չի կարելի համաձայնել թորամանյանի այն տեսակետի հետ, որ Դագիկաշենի կործանման հիմնական պատճառը իբրև եղել է նրա վերին մասերի և հատկապես թաղերի ու կամարների լիցքերը սովորական կրաքարե տոնից և ոչ պեմզայից անելը, ինչպես այդ տեսնում ենք Ձվարթնոցում:


Ինչպես ցույց է տալիս X—XI դարեր հուշարձանների ուսումնասիրու-

թյունը, նույնիսկ ամենափոքր կառուցվածքներում որոշակի կերպով զգացվում է ճարտարապետների ձգտումը որքան հնարավոր է թեթևացնել թաղերի և կամարների բեռնվածությունը: Այս շրջանում ևս լայնորեն օգտագործվում է հնում այնքան լավ հայտնի, հիմնական կրող թաղերը երկրորդ, կրաքարե տոնյա թաղերով թեթևացնելու տեխնիկան, և բացի այդ, որոշ տեղերում նույն նպատակի համար օգտագործում են նաև կարասներ: Այս պայմաններում հաղիվ թե հնարավոր լինի կասկածել, որ Տրդատի¹⁰ այս հոյակապ տաճարում ևս կիրառվել են բոլոր հնարավոր միջոցները կառուցվածքների կոնստրուկտիվ ամրությունը ապահովելու համար, և թեև այստեղ չի օգտագործվել պեմզան, կասկած չի կարող լինել, որ այստեղ ևս եղել են կրաքարե տոնյա թաղերով պարփակվող դատարկ տարածություններ:

Կառուցելով այս հոյակապ տաճարը, Տրդատը ոչ թե կուրորեն կրկնեց Ձվարթնոցը, այլ հիմնականում պահպանելով նրա և՛ հատակագիծը, և՛ կոնստրուկտիվ սկզբունքները, նույն այդ հիմքի վրա վեր բարձրացրեց արդեն իր դարաշրջանի ոգուն համապատասխան մի հուշարձան: Այդ ամենից առաջ դրսևորվեց տաճարի հատակագծում, որտեղ նա համարձակ կերպով մեծացրեց կենտրոնական տետրակոնխը, հրաժարվեց անկյունագծային ուղղությամբ դասավորված մուտքերից, ավելացրեց նիստերի քանակը, արմատապես փոխեց

¹⁰ Սր տաճարի ճարտարապետը իսկապես եղել է Տրդատը, առաջին անգամ հիշատակում է Ստ. Մալխասյանը. նշելով նրա անվան առկայությունը Ասողիկի ձեռագրերից մեկում (Ստեփանոսի Տարոնացույ Ասողկան պատմության տիեզերական, Ս. Պետերբուրգ, 1885, էջ 282):

լուսամուտների և արտաքին ճակատը ձևավորող էլեմենտների բոլոր համա-
չափությունները, հրաժարվեց Զվարթնոցի դուրս եկող շքամուտքերից և չկրկնեց
Զվարթնոցի և ոչ մի դեկորատիվ էլեմենտ (նկ. 11): Խիստ ուշագրավ է, որ նա
չկրկնեց նաև Զվարթնոցի արևելյան մասի հետագայում ավելացված կառուց-



նկ. 11. Գագիկաշենի հատկապիծը:

վածքը, և Գագիկաշենը ալս-
պիսով բարձրացավ որպես
մի հուշարձան, որը Զվարթ-
նոցի սկզբնական կոմպոզի-
ցիայի նման ուներ միատե-
սակ ծավալային լուծումներ
իր բոլոր ճակատներում¹¹:
Արմատապես փոխվեցին
նաև ինտերիերի բոլոր հա-
մաչափությունները՝ ինչպես
նույն էպոխայի մյուս կա-
ռուցվածքներում, այնպես էլ
ալստեղ ներքին ծավալները
ձգվեցին դեպի վեր և դրան
համապատասխան էքստե-
րայի սյուները ստացան
խիստ վերասլաց համաչա-
փություններ: Միաժամանակ
ձգտելով հասնել ինտերիերի
էլ ավելի ծավալային միաս-
նականությանը Տրդատը Զը-
վարթնոցի արևելյան աբսի-

դի խուլ պատը փոխարինեց մյուս աբսիդների նման թափանցիկ սյունաշարքով,
որը հնարավորություն տվեց արսիդում կառավարող ժխակատարությունը լսել
նաև արևելյան կողմից:

Դարաշրջանի ճարտարապետական ուղղության ամենահիմնական պա-
հանջներից մեկը արտաքին ծավալային միասնական կոմպոզիցիաներ ստա-
նալու ձգտումը, է՛լ ավելի ցայտուն կերպով դրսևորվեց տաճարի երկրորդ յա-
րուում, որտեղ ներքին տեսարանիսը պարփակվեց առաջին յարուսի ուժ
մեծաթուխք կամարների վրա հենվող շրջանաձև պատով, և այսպիսով ի հակա-
դրություն Զվարթնոցի տեսարանիսային կոմպոզիցիայի Գագիկաշենի երկ-
րորդ յարուսը ևս ստացավ ռոտոնդային կոմպոզիցիա:

Ծավալային միասնական լուծումներ ստանալու ձգտումը միանգամայն
օրինաչափ երևույթ է հայկական ճարտարապետության այդ շրջանի համար:

X—XI դարերում, երբ երկիրը բաժանված էր բազմաթիվ մանր ֆեո-
դալական կաղմավորումների միջև, երբ ոչ նյութական հնարավորություններ

¹¹ Գագիկաշենի արևելյան կողմում եղած փոքրիկ ավանդատունը նույնպես հետա-
գայում է ավելացվել (Մ. Յ. Մարք. Արմ, էր. 58) և այն հանգամանքը, որ Գագիկաշեն-
նում ևս իսպառ բացակայում են դեպի վեր տանող աստիճանները, վկայում է, որ ինչ-
պես Զվարթնոցում, այնպես էլ այստեղ բացակայել է վերնահարկը: Վերնահարկ չի եղել
նաև Զվարթնոցի տիպի, շատ ավելի լավ պահպանված այնպիսի կառուցվածքներում ինչ-
պիսիք են Լյակիտը և Բանան:

կային. և ոչ էլ անհրաժեշտություն՝ մեծածավալ տաճարներ կառուցելու, լայն տարածում են ստանում համեմատաբար փոքր կառուցվածքները և նրանց կառուցողական պրակտիկայի ընդերքում է, որ հիմնականում մշակվում և իր որոշակի դեմքն է ստանում այդ էպոխայի սձական նոր սղգությունը։ Այժմ



Նկ. 12. Գաղիկի արձանը տաճարի մոզելիք ձևերին։

արդեն ոչինչ չէր ստիպում արտաքին ծավալային մշակման մեջ զրահարել ինտերյերի շատ ամուրդ րարդ, մասնատված լուծումները, և ճարտարապետները համարձակ կերպով արտաքին մի միասնական ծավալի մեջ են սկսում պարփակել նրանց։ Այսպես են մշակված և Արուղամրենցի և Փրկիչը և Սանահնի կլոր եկեղեցին և շատ ուրիշ կառուցվածքներ։

Ոճական ահա այս նոր տղղությունն էլ իր նոր դրսևորումը գտավ Գագիկաշենում, որտեղ երկրորդ յարուսում տեստակոնխը պարտակվեց մի շրջադժային պատուի և ստացավ ռոտոնդային լուծում, մի բան, որն իր որոշակի դրսևորումը գտավ նաև պեղումների ժամանակ հայտնաբերված տաճարի մոդելում (նկ. 12)։ Սակայն այստեղ պետք է նշել մի էական հանգամանք ևս։ Խնչպես գժվար չէր տեսնել, այսպիսի կոմպոզիցիայի ժամանակ երկրորդ յարուստի անկյունային մասերում կստացվեին շորս դատարկ և անօգտագործելի տարածություններ, որտեղ պետք է բացվեին ոչինչ չլուսավորող դեկորատիվ բազմաթիվ լուսամուտներ, ճիշտ այնպես, ինչպես այդ տեսնում ենք Ռորամանյանի՝ Գագիկաշենի վերակազմության նախագծում։ Դժվար չէ կոհակել, որ Անիի ճարտարապետները, որոնք կառուցել էին քաղաքը ձևավորող հոյակապ կառուցվածքներ և նրանց մեջ հատկապես տաճարի ճարտարապետ Տրդատը, որի գործերը ուսանձնակի աչքի են ընկնում իրենց տեկտոնիկական ամբողջականության, չէին կարող թույլ տալ այսպիսի կոպիտ կեղծիք քաղաքի ամենանշանավոր կառուցվածքներից մեկում։ Եվ մեզ թվում է, որ այստեղ ևս օգտագործված է եղել հայկական ճարտարապետության այնքան յուրահատուկ կոնստրուկտիվ լուծումներից մեկը՝ եռանկյունաձև խորշերը, որոնք նույն այդ էպոխայում այնքան մեծ հմտությամբ օգտագործված են և Աբուղամրենցում և Սանահնում և շատ այլ հուշարձաններում։

Առանձնակի ուշադրության է արժանի այն հանգամանքը, որ Գագիկաշենի մանրանկարը հանդիսացող Հովվի եկեղեցում, որը նույն XI դարի գործ է հանդիսանում, առկա են այդ խորշերը և, որը գլխավորն է, նրանք առկա են նրա երկրորդ յարուսում — ճիշտ ախտեղ, որտեղ որ եղել են նրանք Գագիկաշենում։ Եվ այն հանգամանքը, որ Հովվի եկեղեցում այդ արտաքին խորշերը բացարձակապես և ոչ մի կոնստրուկտիվ գեր չունեն, որոշակի կերպով վկայում է, որ այս հարցում ևս, ինչպես և այս գողտրիկ կառուցվածքի ընդհանուր կոմպոզիցիան ընտրելիս, ճարտարապետն իր աչքի առջև ունեռ նրա հոյակապ նախօրինակը՝ Գագիկաշենը։

Եվ մեզ թվում է, որ Գագիկաշենի երկրորդ յարուսը ևս լուծված է եղել հենց այս սկզբունքի համաձայն և պեղումների ժամանակ հայտնաբերված եռանկյունաձև տրոմպի քարերը, որոնց տաճարի ներսում հնարավոր չէ և ոչ մի այլ տեղ տեղավորել, ի սկզբանե պատկանել են հենց այս արտաքին խորշերին։

Այս համեմատաբար մեծ խորշերը, բնավ չխախտելով տաճարի երկրորդ յարուստի ուտոնդային կոմպոզիցիան, հնարավորություն են տվել խուսափել այստեղ առաջացող դատարկ տարածություններից և, մյուս կողմից՝ զգալիորեն թեթևացնել կրկնակի կորությունն ունեցող կամարների վրա եկող բեռնավորվածությունը (նկ. 13)։

Այն հանգամանքը, որ խորշերը շրջանցող կամարները ավելի մեծ թռիչք են տնեցել, քան տաճարը շրջանցող կամարաշարքը, մեզ բնավ չպետք է զարմացնի, որովհետև անհավասար թռիչքներով կամարների առկայությունը լավ հայտնի է նույն այդ շրջանի բազմաթիվ կառուցվածքներում (Անիի մայր տաճարը, Մարմաշեն և այլն)։

Իսկ ինչ վերաբերում է խորշերի բացակայությանը տաճարի մոդելի վրա, ապա պետք է ասել, որ հայկական ճարտարապետության մեջ մոդելները դրսևորում էին կառուցվածքների ընդհանուր գծերը միայն, և այն էլ շատ

պայմանական ձևով: Բավական է համեմատել Հաղպատի և Սանահնի կտի-տորական պատկերաքանդակներում ներկայացված մոդելները իրական կա-ռուցվածքների հետ, այդ բանում համոզվելու համար: Եվ շնայած նրան, որ Գաղիկաշենի մոդելը, մյուս մոդելների համեմատ, աչքի է ընկնում իր մշակ-վածության աստիճանով, այստեղ ևս խիստ պայմանական ձևով են պատկեր-ված և նրա համաչափությունները, և հատկապես արտաքին ճակատը ձևավո-րող էլեմենտները: Բացի այդ, այն հանգամանքը, որ թեթևության համար մո-դելը արված է եղել սնամեջ, ինքնին արդեն բացառում էր նրա առանց այն էլ բարակ պատերի վրա խորշեր պատկերացնելու հնարավորությունը:



Այսպիսով դժվար չէ տեսնել, որ Գաղիկաշենի մոդելը, որտեղ ցայտուն կերպով դրսևորվում է VII դարի ճարտարապետական սկզբունքներից այնքան զգալի չափով տարբերվող ոճական նոր ուղղությունը, բնավ չի կարող ելակետ հանդիսանալ VII դարի ամենանշանավոր կառուցվածքներից մեկի, Զվարթնո-ցի սկզբնական կերպարի բացահայտման հարցում, մի հուշարձանի, որն իր բոլոր հատկանիշական գծերով ամենասերտ կերպով կապված է V—VII դարերի հայկական ճարտարապետական կուլտուրայի հետ: Պատկերացնել հակառա-կը և ենթադրել, որ շնայած այն հանգամանքին, որ իր բոլոր մանրամասներով և առանձին էլեմենտներով Զվարթնոցը կազմում է VII դարի հայկական ճար-տարապետության անբաժանելի մասը, իր արտաքին ծավալային կոմպոզի-ցիայով նա արմատապես պետք է տարբերվի նույն էպոխայում մշակված տա-րածական լուծումներից և ըստ էության նմանվեր պատմական հաջորդ էպո-խայում, ոճական միանգամայն այլ սկզբունքների հիման վրա մշակված ծա-վալային կոմպոզիցիաներին, կլիներ միանգամայն սխալ և անտրամա-բանական:

Ընդհակառակը բոլոր հիմքերը կան ենթադրելու, որ ինչպես ինտերյերում, ինչպես դեկորատիվ հարդարանքում, այնպես էլ արտաքին տարածական լուծման մեջ Զվարթնոցի ճարտարապետը հարազատ է մնացել իր էպոխային, իր դարաշրջանին, և տեկտոնիկական այն հստակ սկզբունքը, որը այնքան յուրահատուկ էր VII դարին և որի ամենահիմնական ելակետներից մեկն էր ներքին ծավալային կոմպոզիցիայի դրսևորումը արտաքին ճակատներում, որոշակի տեղ է գտել նաև այստեղ, Զվարթնոցում:

Այս ամենից հետո պարզ է դառնում, որ Զվարթնոցի իրական կերպարը, նրա ծավալային լուծումը պատկերացնելու համար անհրաժեշտ է նորից վե-րադառնալ VII դարի կոմպոզիցիաներին և, հիմնականում ելնելով իր, հուշարձանի ավերակների մեջ պահպանված քարերից, փորձել գտնել այն ճար-տարապետական կոմպոզիցիան, որն իսկապես արժանի լինի այս մեծ հուշարձանին և նրա կառուցող ճարտարապետի մեծ մտահղացումներին:

* * *

Մեր ուսումնասիրությունները Զվարթնոցում (սկսած 1954 թ.) առաջին շրջանում ընթացան քարերի տեղադրման ֆիքսացիայի, չափազրման և նրան-ցից հանված ստվարաթղթի շաբլոնների համադրման ուղղությամբ: Նյութերի համեմատական ուսումնասիրության հիման վրա հնարավոր եղավ ճշտել տա-ճարի հատակադիժը ընդհանրապես (ընդ որում պարզվեց, որ արևելյան ուղղանկյան կառուցվածքը ավելացված է հետագայում և այն բացակայել է տաճարի սկզբնական կոմպոզիցիայում), որոշակի դարձան ինչպես տա-



Նկ. 13. Գաղիկաշենի երկրորդ յարուսը և վերակազմության նախագծի էսքիզը:

ճարի շքամուտքի ձևերը, այնպես էլ դռների կոնստրուկցիաները և լյուսնետների առկայությունը: Ճշտվեցին արսիղների կամարաշարքերն իրենց բոլոր մանրամասնություններով, սյուների տեղարաշխման առանձնահատկությունները, խոյակների դասավորությունը (որոնց վրա քանդակված ներսես Գ-ի մոնոդրամները որպես կանոն ուղղված են եղել դեպի օղակաձև սրահը), խոյակների վերնասալերի վրա դրվող միաձույլ սեղանաձև քարերի առկայությունը, արսիղի մի քանի վերակառուցումների հերթականությունները, կենտրոնական կառուցվածքի ինչ լինելը (ժխտվում են այն «մկրտության ավազան» համարող տեսությունները) և այլն:

Տաճարի ներքին կոնստրուկցիաների հիման վրա հնարավոր եղավ ճշտել առաջին յարուսի բարձրությունը, որն իր հերթին հնարավորություն տվեց վերակազմել նաև նրա հարդարանքը, ընդ որում ստացված բարձրությունը ճշտորեն համընկավ քարերի շարքերի բարձրությունների հետ: Ճշտվեցին լուսամուտների չափերի և նրանց երկաթացանցի ձողերի դասավորությունը, ներքին կամարաշղթաների մանրամասնությունները, օղակաձև լուսամուտների տեղաբաշխումը, նրանց այս անգամ արդեն քարե լուսանցույցներով ծածկված լինելը:

Երկրորդ յարուսի նիստերի քարերի հայտնաբերումը հնարավորություն տվեց պարզել, որ այստեղ նիստերը ճշտորեն համապատասխանել են առաջին յարուսի սյուների դասավորություններին, և բնավ բացակայել է ներքին տեստրակոնխը շրջանցող մոտ 20 մետր բարձրություն ունեցող դեկորատիվ պատը և երկրորդ յարուսի ունեցել է ոչ րե ուտոնդալին, այլ խաչաձև կոմպոզիցիա, նման V—VII դարի բազմաթիվ հուշարձանների (Էջմիածին, Մաստառա, Բաղարան, Արթիկ և այլն): Հնարավոր եղավ վերակազմել մի նիստի վերին մասը, լուսամուտի և վերջինիս կամարաղեղի հետ միասին, ընդ որում պարզվեց, որ նիստի լայնության չափը ճշտորեն հավասար է առաջին յարուսի սյուների հեռավորությանը, իսկ նիստի արտաքին անկյունը՝ հավասար հարևան երկու սյուների առանցքները միացնող դժերով կազմված անկյունը: Գտնվեցին երկրորդ յարուսի քիվի քարերը, ընդ որում քիվի շառավիղը հավասար է ստացվում առաջին յարուսի արսիղների շառավիղներին: Գտնվեցին նաև առաջին յարուսի շրջանաձև կոմպոզիցիայից երկրորդ յարուսի խաչաձև կոմպոզիցիային փոխանցող քարերը, մույթերի $3/4$ սյուների խոյակները, պարզվեց, որ Զվարթնոցի ունեցել է տշ թե առաջաստային, ինչպես ենթադրում էր Թորամանյանը, այլ տրոմպային, փոխանցում. հնարավոր եղավ հավաքել տրոմպաներից մեկի զգալի մասը, գտնվեցին դմբեթի ներսը ձևավորող դեկորատիվ ճառագայթների քարերը, ինչպես նաև բազմաանիստ և արտաքինից խորշերով ձևավորված թմրուկի քարերը:

Այս բոլոր նյութերի հիման վրա հնարավոր եղավ կազմել տաճարի վերակազմության նոր նախագիծը, որին և մենք հանգումանորեն կանդրադառնանք հաջորդ հոդվածում: